

Deo opt. max. uni & trino, Virgini Deiparæ, & sancto Luca orthodoxorum Medicorum Patrono.

(1662) Aug 1362

Q V Æ S T I O M E D I C A.

Cardinalitiis disputationibus manè discutienda in Scholis Medicorum, die Jovis 8. Aprilis.

M. MICHAËLE DE LA VIGNE, Doctore Medico, Præside.

Est-ne Lac alimentum optimum?

EX omnibus Naturæ bonis, quæ à Deo optimo maximo Homini viventium omnium principi ad vitam tuendam data sunt, nullum magis, votis omnibus expetit quam Sanitas, integra illa quidem & inculpata, quæ, ut diuturnioris, ita & beatoris vitæ, author merito dici potest: Ea quippe in optimâ partium similium temperie, atque in legitimâ dissimilium conformatione consistit, ut & in intima partium omnium unione & consensione, ex quibus firma valetudo constituitur, eaque duratura, si natura corporis perpetua foret & æterna.

NATURAM corporis humani diversimodè immutari nullus Mortalium negat, quæ quidem ex variis Elementis conflata, mutationi maximè obnoxia est, sic autem illa, dum calor natus in substantiam æream seu spirituosam, liquidam ac solidam agit, eamque depascitur ac resolvit, nisi in locum effluentis substantiæ reponatur alia similis respirationis & nutritionis beneficio, quarum illa attractio ære, spirituosam, hæc cibis assumptis liquidam ac solidam restaurat.

REPARATIO autem illa quæ nutritione perficitur, in alimentis potissimum consistit, quorum virtus precipua posita est in temperie & consistentiâ, at temperies temperata, & moderata consistentia in alimentis eligi debet vel quæ proximè ad eas accedit, ut nostræ substantiæ simillima. Unde alimentum illud *ὀψιότατον* censetur & optimum, quod natura sua temperatum est ac mediocris consistentiæ ut pote *ἐχρυσον, ἐπιπικτον, διαυδδον, διαιολον* ac proinde naturæ nostræ magis familiare & amicum; è contra hoc improbatur & damnatur quod contrarias habet vires, alendis partibus minus idoneas.

LAC, ros ille vitalis, cibusque suavissimus, varium ac multiplex occurrit pro vario animantium genere ex quibus mulgetur. Lac mulieris sanæ, junioris, ac temperatæ primas tenet, quod infantibus ac pueris convenit, ut & Vaccinum adultis: verum illud recens non vetustum, in primis qualitatibus temperatum mediæ consistentiæ, album ac dulce eligitur, quod laudabilem succum suppeditat, belle coquitur distribuitur & secedit.

HISCÆ dotibus præditum Lac alimentis optimis merito adscribitur, cave tamen, ne pravo usu damnum afferat *γαλακτοπόσι*, iis maximè quibus aut bilis effera aut humor Melancholicus supra modum assatus redundant, illis siquidem innocuus esse non potest lactis usus, cum hic & ille humor pravis suis qualitatibus, optimum quodque corrumpant. Suis etiam non caret incommodis Lac, quod aut *ἐξωσιαι* aut *κρισσοδται*: sed hæc mala quæ emendari & corrigi possunt, non reformidant *πὸ ἐκχρηστικῆς ἢ ἐξυφάνσεως*, qua ratione temperatis naturis ac belle habentibus Lac pro cibo datur, estque illis alimentum optimum.

Est ergo Lac alimentum optimum.

Proponebat Parisiis P E T R U S G A M A R E, Parisinus, Baccalaureus Medicus. A. R. S. H. 1683.